

TITAH UCAPAN DYMM TUANKU SYED FAIZUDDIN PUTRA IBNI TUANKU SYED SIRAJUDDIN JAMALULLAIL SEMPENA UPACARA PERASMIAN KOMPLEKS MAKMAL KUKUM SEMPENA HARI KEPUTERAAN DYMM TUANKU RAJA PERLIS PADA 21 MEI DI PUSAT KEJURUTERAAN KUKUM, KUALA PERLIS.

BISMILLAH HIRRAHMAN NIRRAHIM

DENGAN NAMA ALLAH YANG MAHA PEMURAH LAGI MAHA MENGASIHANI.

ASSALAMULAIKUM WARAHMATULLAHI WABARAKATUH DAN SALAM SEJAHTERA.

TUAN-TUAN DAN PUAN-PUAN SEKALIAN.

SYUKUR ALHAMDULLILAH KE HADRAT ALLAH SUBHANAHU WA TAALA DI ATAS LIMPAH KURNIA DAN IZINNYA DAPAT KITA MENYAKSIKAN SATU LAGI AGENDA BERSEJARAH DALAM INSTITUSI PENDIDIKAN TINGGI NEGARA AMNYA DAN NEGERI PERLIS KHUSUSNYA PADA PAGI INI.

UPACARA PERASMIAN KOMPLEKS MAKMAL KUKUM BERSEMPENA DENGAN HARI KEPUTERAAN DYMM TUANKU RAJA PERLIS YANG KE-61 INI PASTI AKAN MENYEMARAKKAN LAGI SEMANGAT SERTA ILTIZAM WARGA KERJA KUKUM DALAM KEMBARA MENUJU KEGEMILANGAN SEBAGAI SEBUAH UNIVERSITI YANG TERSOHOR PADA SUATU HARI NANTI. INSYA ALLAH.

SAYA INGIN MENGUCAPKAN JUTAAN TERIMA KASIH KEPADA LT. KOL. PROF. DATO' DR. KAMARUDIN HUSSIN DAN PIHAK URUSETIA KERANA TELAH MENJEMPUT SAYA DAN DYTM RAJA PUAN MUDA KE UPACARA PERASMIAN PADA HARI INI.

SAYA DIFAHAMKAN TERDAPAT LEBIH KURANG 15 BUAH MAKMAL TELAH BEROPERASI SEPENUHNYA DI KUKUM. MAKMAL-MAKMAL TERSEBUT ADA YANG TERLETAK DI BANGUNAN KWSP, KAMPUS KUBANG GAJAH,

DAN DI KUALA PERLIS. SAYA JUGA DIFAHAMKAN DI KAMPUNG WAI, KUALA PERLIS AKAN DIBINA LEBIH KURANG 30 BUAH MAKMAL LAGI UNTUK KEMUDAHAN DAN MEMENUHI KEPERLUAN SISTEM PEMBELAJARAN AKADEMIK KUKUM YANG MENGGUNA PAKAI KAEDAH 'HANDS-ON'.

KAEDAH PEMBELAJARAN 'HANDS-ON' SEBENARNYA BERASAL DARI JERMAN DAN IA DIKENALI SEBAGAI 'FACCHHOCHSULE'. SISTEM INI AMAT SINONIM DENGAN LATIHAN PRAKTIKAL. MAHASISWA-MAHASISWI KUKUM PASTI AKAN BEROLEH MANFAAT YANG CUKUP BESAR DARI SISTEM TERSEBUT. INILAH ANTARA SEBAB MENGAPA SAYA BEGITU YAKIN GRADUAN YANG AKAN DIKELUARKAN OLEH KUKUM NANTI AKAN MENJADI REBUTAN PIHAK INDUSTRI.

MENJADI SEORANG JURUTERA YANG BAIK TIDAK HARUS RIGID KEPADA SKOP PEMBELAJARAN TEORITIKAL SEMATA-MATA. INDUSTRI AMAT MEMERLUKAN SEORANG JURUTERA YANG BERKEBOLEHAN DALAM MEREKABENTUK, MEMBUAT PERALATAN, MENGUJI DAN MENYELENGGARA SERTA MENGAPLIKASI SEBARANG KONSEP TEORI.

DI KESEMPATAN INI SAYA INGIN MENYERU SELURUH WARGA KUKUM BAIK KAKITANGAN AKADEMIK MAHUPUN MAHASISWANYA UNTUK TERUS BERUSAHA MEMAKSIMAKAN PENGGUNAAN MAKMAL YANG SEDIA ADA. GUNAKANLAH KESEMPATAN YANG ADA INI UNTUK MENJADI INDIVIDU YANG SENTIASA PROAKTIF DALAM KEGIATAN BERORIENTASIKAN AKADEMIK SEPERTI PENYELIDIKAN DAN PEMBANGUNAN. IBARAT KATA PEPATAH MELAYU 'BIAR DAHI BERLUKUK, ASAL TANDUK MENGENA'.

HASIL PENYELIDIKAN TERSEBUT BUKAN SAHAJA BOLEH DIPATENKAN MALAH DIKOMERSILKAN UNTUK KEGUNAAN INDUSTRI KECIL DAN

SEDERHANA ATAU SEBARANG TEKNOLOGI BAIK DI NEGERI YANG BERTUAH INI ATAU DI SELURUH MALAYSIA. ADALAH MENJADI HASRAT SAYA UNTUK MELIHAT KUKUM TERUS MEMBANGUN WALAUPUN KAMPUS TETAP AKAN HANYA SIAP SEPENUHNYA PADA TAHUN 2010. SAYA AKAN MENINJAU DAN MEMANTAU KERJA-KERJA PEMBINAAN KAMPUS TETAP DI ULU PAUH DAN SUNGAI CHUCHUN AGAR DIBANGUNKAN SECEPAT MUNGKIN.

SAYA SEDAR BAGI SEBUAH UNIVERSITI TENNIKAL SEPERTI KUKUM INI, KEPERLUAN LOGISTIK YANG LEBIH BESAR AMAT DIPERLUKAN BAGI MENAMPUNG KEMUDAHAN MAKMAL, BENGKEL, KOLEJ KEDIAMAN DAN SEBAGAINYA. PUN BEGITU, JANGAN JADIKAN ALAS N LOGISTIK SEBAGAI HALANGAN DAN MEMBANTUTKAN USAHA ANDA SEMUA UNTUK TERUS BERINOVATIF DALAM KERJAYA MASING-MASING.

SAYA JUGA INGIN MENYERU KEPADA SELURUH WAKIL MEDIA CETAK DAN ELEKTRONIK UNTK TERUS MEMBERIKAN PUBLISITI DAN MAKLUMAT YANG POSITIF TERHADAP KUKUM. HASIL KERJA TUAN-TUAN SEBAGAI WARTAWAN DALAM MELAPORKAN BERITA AMAT PENTING BAGI SEBUAH UNIVERSITI SEPERTI KUKUM INI. INFORMASI YANG BERTERUSAN AKAN MEMPERCEPATKAN LAGI PROSES PEMBANGUNAN KUKUM SEBAGAI SEBUAH UNIVERSITI DI NEGERI PERLIS INI.

AKHIR KATA DENGAN LAFAZ BISMILLAH HIRRAHMAN NIRRAHIM SAYA DENGAN INI MERASMIKAN KOMPLEKS MAKMAL KUKUM, DI PUSAT KEJURUTERAAN, KUALA PERLIS INI.

SAYA SUDAHI DENGAN WABILLAH TAUFIK WALHIDAYAH WASALAMUALAIKUM WARAHMATULLAHI TAALA WABARAKATUH.